

永樂大典卷之一萬九千七百三十九 一屋

錄

沙門灌頂國清百錄三

王謝義疏 王論荊州諸寺書 書五十一 五十二 論還入台書五
十三 王答書五十四 王與達為儒書五十五 迷度人出家書五十
六 迷教徒書五十七 答施燭書五十八 王迎入城 王遣使入天
台 書五十九 泰六十 王遣使入天台書六十一 王書泰疾六十
二 發願疏六十三 遺囑書六十四 王答遺書文六十五 王建功
德疏文六十六 王弔大眾文六十七 王建周忌功德六十八 天台
眾謝功德啓六十八 天台眾賀啓六十九 天台眾謝進寺成啓六十
九 僧使對問答六十九 皇太子敬靈龜文七十 皇太子敬齋文七
十一 皇太子令書七十二 天台眾謝啓七十三 重令書七十四
天台眾謝啓七十五 皇太子弘淨名疏書七十六 天台眾賀至尊七
十七 至尊教七十八 天台眾謝啓七十九 天台眾啓八十 僧使
對問答八十一 教一函八十二 教立國清寺名八十三 表國清啓

八十四 敕度四十九人法名八十五 國清衆謝啓八十六 敕報百
司上表賀口敕八十七 口敕施牘八十八 敕造國清寺碑文八十九

玉泉寺碑九十 梁王書九十一 恭徵書九十二 雲蓮書九十三

惠岳書九十四 惠岳疏九十五 保恭疏九十六 柳願言書九十

七 吉藏書九十八 吉藏疏九十九 論放生書一百

王謝義疏五十一 弟子總持和南達旨送初卷義疏跪承法寶粗覽綱

宗悉擅負外耳未嘗故知龍樹代佛不可思議今所著述肉眼未親聞

謹復研尋遂此親接謹和南 王論荊州諸寺書五十二 弟子總持和

南荊州玉泉十住兩寺近既賜今檢校今須書及江陵總管當勸所由終

聽僧使奮促弟子仰蒙浮戒宿世因緣稍希義理智波羅蜜爰降開許始

制義疏方憑沃荅向入慧門昔年仰請棲霞時位觀行政爲密迹朝發暮

到應可認決不異邑居行道本貴安心寧勞過遠天台之路幸願緩情屈

已爲人菩薩有賜於專契弗敢違前都不知淨人善心已墮僧數濟度無

隔唯用隨喜謹和南七月二十七日 重述天台書五十三 前所認天

台山事本聽後期爰達報示不然夙志棲霞乃言咫尺非闕本誓之心天

台既是寄終之地所以恒思果遂每隔弟子忍命不待期一旦無常身死

禽鳥焚燒餘骨送往天台願得次土還棲山谷修業成辦乃可利人但仰
赴義門多懇剪淺發心既重輒課庸微去聽慈恩庶無忽促政言天台營
理本擬十方安立僧徒非專爲己昔年修葺願創伽藍形可隨緣香燈難
絕故欲遣修葺冀遇方便同途拔具淨人得蒙勝舉并祈一旨事並前諮
方乞寺名屈作檀越懼多煩咨未敢同時處處結緣功德彌大玉泉十住
許垂恩爲唯待教旨即遣僧使冀藉光威三寺蓮荷伽藍未整功德已圓
仰聞頻煩言何能謝沙門某白二月二十日 王荅五十四 總持和南
復垂誨言益具仁慈開士立像隨感必應本誓願乃何患不果政言服道
日淺未堪遠達深憑護念開示悟入玉泉十住天台本居仰由勝功能得
建立方須影響水至金剛江陵書及會稽教下並勒所司以時發遣謹和
南七月二十九日 王與上柱國新郡公荊州總管達奚儒書五十五
智者禪師德尊望重近年紆道爰授淨戒今脩治彼州十住寺造立西徂
玉泉寺並見請爲檀越復聞公等多結勝緣大乘運通良深隨喜師今遣
僧使志果法才二人還就玉泉寺法璨道慧法師十住寺道臻法師經理
想加心影響獎成妙業公私裨福顯同賴法事遠白不復暄涼也楊廣
呈八月二日 荅度人出家五十六 切以今月嘉辰菩薩應世奉爲至

尊皇后報恩功德銘寫像度人出家現在因緣福業無量使五沙彌為
弟子輒當恭肅作說戒師年歲既小別須和尚必選名德為作依止並賜
法衣即於衆前歡喜頂戴沙門敬白七月十九日 答教徒流書五十七
開府學士柳顧言宣教金光明行法究竟如十五月清淨圓滿恩放徒
流於勉鞭罰上開府潘惠達儀同張四娘等凡四十五人賜令斟酌謹即
依事詢詳切以一人出世多人利益淳善御俗仰屬輪王案此經云若犯
王法繫縛枷鎖諸苦惱等悉令解脫又灌頂經云王當放赦屈厄之人徒
錄解脫王得其福天下太平兩澤以時人民安樂教首符應經文豈非宿
殖德本慈善根力謬以多幸忝此大緣率屬僧徒清齋洗浣龍王注雨甘
澤並周爰開獄門袒裸解脫徒流原宥莫不蹈舞殿庭稱恩感戴加復送
以勝幡仍懸寶塔登高散華燒香則燭並留供設說法開示威令向善其
僧法運等雖著法衣不能修心身犯國憲取穢道流恩乃上朱戰深下耻
白大衆留七日晨夜訓養暫依備黜使懲誠獎耳沙門某敬白十月十六
日 答施燭書五十八 開府柳顧言宣教以法歲圓滿爰降勞問并施
金色新製香爐奩一具 法衣一通 綿絹百段 燭三十挺紙二千
張 上厨果食等 剎那不住節序相催老至易悲觀心難諱幸憑弘建

正法省無成慧實懼難銷香爐起峯蓮華尊臨慈辱難塵安行履躡經稱
受用無作恒生燭侯夜燦紙擬淨名當機要施法事忘謝果食嫌綺道場
同沾歸法有在辭略言外沙門某敬白七月十五日王迎入城礙雨移日
書五十九 總持和南雨乃要仰延暫阻明問若晴別當遣信謹和南七
月二十六日 次迎入城書 總持和南霜寒道體康勝弟子還來南雨
未暇迎延馳誠已深今遣候接冀近祇親謹和南九月十六日 王遣使
入天台叅書六十 總持和南麥序氣清道體和適福慧莊嚴與時高勝
弟子至來未久粗復可行近頻降雨書爰垂示功德玄義刪削文句入初
其舊雖新從震至妙會須披接方顯煙雲春律已謝夏坐方結敢遺經教
涉暑出迎白露宵固秋風葉下必預舟楫迎親江陽然仰勞著述已涉數
載般若多障近願成功日就月將庶方啓沃率貢別牒示表虔誠在敬無
文仰撥弘亮其間珍德續事音語謹和南 納袈裟十領 龍鬚席二領
須彌座二領 猶斗酥三瓶 熏陸香一合 王遣使入天台迎書六
十一 總持和南霜氣已繁蛟熱久祛方恐洞汙預取調適今遣奉迎祇
禮非奢謹和南九月二十二日 王叅病書六十二 總持和南仰承出
天台已次到剎石城寺感惠未歇菩薩示疾在疾示愈但於翹誠交用悚

灼今遺璧李膺往處治小得康損願徐進路連禮觀無違謹和南發願大
六十三。吳縣維衛迎葉二像願更聚合脩復。鄭縣阿育王塔寺頽毀
願更脩治劉縣十文彌勒石像金色剝壞願更莊嚴。右三處功德乞脩
沙門某敬白。稽首和南三世諸佛伏惟法身無像隨機顯現淨土不毀
人衆見燒漉漬浮采靈塔地涌剎山天樂通夢陸咸三處尊儀表代三世
慈善根力利益斯土但年深歲叢聖跡凌遲諸佛影像若淪衆生善根無
寄諱宿世有幸忝預法門德行輕微功業無取謬爲道俗所知願影羞躬
無以自處上慙三寶無興顯之能下愧群生少提拔之力刻骨刻肌將何
所補幸值明時棟梁佛日願藉皇風又承衆力將勸有緣修治三處先爲
興顯三世佛法次爲擁護大隨國上下爲法界一切衆生若塔像莊嚴則
紹隆不絕周報佛恩若處處光新國界自然殊特妙好則報至尊水土之
澤若見聞者發善提心則利益一切種出世業但久域此心緣障未果此
際赴期西出氣疾增動毒器坏瓶固非保惜先以身命奉給三寶謹聽威
神若形命停留能生物善不汙佛法者伏聽使乞早除差行願速圓若命
雖未盡方多魔障損物善根行亂佛法者豈須停世願早灰滅滅後以諸
誓願付囑後人使經紀修立乞三寶加建速得圓滿前於佛隴全光明道

場已發此願今重於石尊再述愚誠伏願聖凡重垂攝受謹疏聞皇十七
年十一月二十一日 遺書與晉王六十四 貧道初遇勝緣發心之始
上期無生法思下求六根清淨三業殷勤一生望獲不謂宿罪殃深致諸
留難內無實德外虛名譽學徒強集檀越自來既不能絕域遠避而復依
違順彼自招惱亂道退行虧應得不得憂悔何補上負三寶下愧本心此
一恨也然聖法既差自審非分欲以先師禪慧授與學人故留滯陳都八
年弘法諸來學者或易悟而早亡或隨分而自益無無他之才空延教化
略成斷種自行前關利物次虛再負先師百金之寄此二恨也而年既西
夕恒妙道思值明時願逢外護初蒙四事既勵朽年師以學徒四十餘僧
三百許目於江都行道亦復開懷待來問者儼逢易悟用答王恩而不見
一人求禪求慧與物無緣頓至於此謬當信施化導無功此三恨也又作
是念此處無緣餘方或有先因荆潭之願願報地恩大王弘慈霽然垂許
於湘潭功德粗展微心雖結緣者衆孰堪委業初謂緣者不來今則往來
不得推想既謬此四恨也於荊州法集聽衆一千餘僧學禪三百州司惶
慮謂平國式豈可聚衆用惱官人故朝同雲合暮如雨散設有善萌不獲
增長此乃世調無堪不能諧和得所五恨也既再遊江都聖心重法令著

淨名疏不撥閑識輒述偏懷玄義始竟麾蓋入謁復許東歸而吳會之儔咸欣聽學山間虛之不可聚衆求心待出訪求法門暮年衰弱許當開化今出期既斷法緣亦絕此六恨也在山兩夏專治玄義進解經文至佛道品爲三十一卷將身不憚遂動熱渴一百餘日競疾治改際此夏末慮有追呼束裝待期去月十七日使人至山止留一宿遽此螢光早希進路行過剎嶺次至石城氣疾兼寫不能復前此之義疏口授出本一編自治皆未採簡經論僻謬尚多不堪流布既爲王造寧羞其拙囑弟子抄寫復本仰簡前所送玄義及入文者請付弟子焚之天挺睿智願一編閱讀覽其大意餘無可觀貧道仄壤雖謝願留心佛法詢訪勝德使義門無廢深窮佛教治道益明徧行徧學是菩薩行如來滅度法付國王貧道何人慧門憑委欣然就盡沒有餘榮但著述延歲文義不同悵然自慙生來所以周章者皆爲佛法爲國土爲衆生今待法門仰寄三爲具足六根釋矣命盡之後若有神力誓當影護王之土境使願法流衍以荅王恩以副本志菩薩誓願誠而不欺香大義深安知仰謝願觀泡幻知有爲法一切無常會而不離終不可得唯當勤戒施惠以拒四山早求出要豈須傷法煩勞聖懷蓮華香爐犀角如意是王所施今以仰別願德香遯遠長保如意也南

嶽大師滅度之後未有碑頌前蒙教許自剎願不忘此旨南嶽師於潭州立大明寺彌天道安於荊州立上明寺前蒙教影護願光師先德爲作禮越主貧道在世六十年未嘗作有爲功德年暮力弱多闕用心人香火施重近於荊州仰爲造玉泉寺脩治十住寺並蒙教囑彼總管靳郡公達奚儒僧賞教書至夏口而靳公亡書未及付慈恩已足願爲玉泉作禮越主今天台頂寺茅菴稍整山下一處非常之好又更仰爲立一伽藍始前木位基命弟子營立不見寺成冥目爲恨天台未有公願願乞一名移荊州玉泉寺貢十僧往天台守乞廢寺田爲天台基業寺園并石像發願疏悉留仰簡泰平聖世皇風整肅菩薩淨土不可思議切見諸州迭送租米車脚皆三五倍於公歛不多私費爲重典章處分別有深規貧道不聞忽言國式輒謂無米之州運送宜爾有米之州當地輸送則無此私費管窺未見理若於式有妨請不須論於事有益願爲諮奏使蒼生慶賴然國是王國民是王民如修慈心撫育黎庶犬馬識養人豈忘恩乎昔聞齊高氏見負炭兵形容憔悴愍其辛苦故令出家唯一人樂去齊主歎曰人皆有妻子之愛誰肯孤房獨宿瞪視四壁自償山林以此觀之出家難得今天下曠大賦歛寬平出家者少老僧零落日就滅前賁帳時或隨緣聽學或山

林修道不及懷名雖復用心常懷憂懼此例不多悉有行業願許其實前
則是度人出家增益僧眾熾然佛法得何量功德昔三方鼎立周武惜人
今太平一軌修文修福正是其宜又本法眾僧多行不稱服尚不執人意
况扶經律王秉國法兼匡佛教有罪者治之無罪者赦之起平等不可思
議心則功德無量此等之事本欲面諮未逢機會奄成遺囑亦是為佛法
為國土為眾生若能留心功德仰賽臨命口授言盡力窮期迫惡多知復
分說大善知識菩提為期沙門開皇十七年十一月王答遺旨文六十
五菩薩戒弟子總持稽首和南先師天台智者內弟子灌頂普明至奉
去十七年十一月二十一日遺書七紙手迹四十六字并淨名義疏三十
一卷犀角如意蓮華香爐等跪對脩讀擁振于心舍利儼然德音具在迎
業狼迹身證遙追雲光天台安禪近蹟誠復如來雙林四部號懺而涅槃
遺教法更敦重況乎五百歲後四依拯溺深順佛旨居世同凡將欲泥洹
現希有事五品十信已自皎然摘陀觀音親來接引去德茲永乃增悲戀
追悟今生還慶夙稟所恨淨名經疏不重親承由冀尋研用補答悔追惟
障惱現機未發邀聽前聞亦有成就非徒悟有淺深抑入時或早晚佛滅
度復得聖臣多道難化方冥未曉示在思即世思奉大師良由宿緣積曾

親近愛重來命必垂影響不捨本誓筆迹具存是用歸誠蓮靈成應跪受
經疏如意香爐虔禮西方心口相誓手探卷軸最後數勒即於今月十八
日仍感瑞夢是知濟度已降舟航昨顧即日在寶池遙聞蓮華令居淨域
近泐濁心世世生生師資不闕華九登聖給侍無虧但義府鈞深遺文淵
博雖加策貽終畏面牆特希泐以醍醐如出香乳照以晴丹即顯真金然
後仰藉神通俯厲精力別詢名僧奉揚法味普共舍生作大利益斯則弗
違旌獎同登彼岸最勝最上就此為尊灌頂所送最後淨名義疏三十一
卷至佛道品謹即裝治善盡習讀達音滿前玄義及入文解釋付弟子焚
之即付還使遣對燒蕩犀角如意蓮華香爐達以垂刹輒當服之無歎永
充法事今奉施瓷瓦香爐供養龕室遺旨以天台山下過得一處非常之
好處為造寺始得開翦林木位置基階今遣司馬王弘創建伽藍一遵捐
盡寺須公額并立嘉名亦不違音佛隴頭陀並各仍舊使移荊州玉泉十
僧守天台者今山內現前之衆多是清宮之人已皆約勒不使振散豈直
十僧而已所求廢寺水田以充基業亦勒王弘施肥因良地深蒙擁護當
年別資給行送經一藏依法為先師別供養具鐘幡香等入施錢直且充
日費鄧境靈塔吳內石像刻縣攝勒尊儀卧疾之處並使裝飾亦不仰異

荊州玉泉寺既是為造理當異餘道場其潭州大明寺荊州十位上明寺等先以敬許為禮越無容復乖今海使製南嶽師碑即命開府學士柳顏言為序自撰銘頌所囑僧有罪治無罪平等切以涅槃羯磨經有誠文正論治國金光明品住持三寶弗敢墜失又今加脩慈心撫育民庶大馬識養人豈忘恩蓋聞外書為敦仁尚恕物內典居宗大慈為首在文雖異諸理實同不有君子其能為國不有菩薩豈濟含生又以僧未貫籍許其出首適奉詔書冥符來及見機而作所謂後天而奉天時振運轉輸深闢軍國前已表聞所司未報終當方便必期諧果及承寄囑斯復能照他心前來仰答無違意旨庶藉重修福祐國家灌頂普明而引詢訪具述遺形宴坐宛若平生轉恨失時不重餐養美味仰撥定力如須彌峙法臘云竟切願與迎一到江陽送入禪衆道俗接足人神頂禮即當奉送復彼山龕庶藉瞻仰能開心目深願道力不孤所請雖厚恩申報具在願文而實宜加趺實須酬仰二僧今反輕奉報書遠拜靈儀心鳴載咽謹和南闍皇十八年正月二十日王遣使入天台建功德願文六十六菩薩戒弟子總持和南十方三世諸佛一切尊法三乘聖眾上界天仙龍神他心道眼護持應現略塞虛空無量幽顯切聞諸佛菩薩不捨本誓為天人師拔濟含識次

令和尙閣梨代作宗範引接後來與佛無異資教之重具在經律不有明
專豈濟苦海匪報厚德豈收福田遺行可追謹依佛語菩薩戒先師天台
智者來踰別嶺遺化石城初聞訊至哀情摧勵敬惟勝行逾滿無違佛許
臨終自說所得今聞侍者所書巨有異相稱我位居五品弟子事在法華
十住信心誠入具瓔珞於天空聲異響徧滿山房索披大衣云觀音來至
驗知入決定聚面親攝陀靜攝遷神安生身證久移晦朔容相儼然斯蓋
無量劫來檀慧具足深護佛法發起群生非無顯晦出沒其孰能於此歟
有始有終者其唯聖人乎設以辨才千萬億偈讚師福慧終不能盡夏初
遣信到山期法歲竟迎接僧臘既滿尚疑路谷毒勵意取氣文霜雪杯渡
鏡水及后到丁使承昨病豈言信次騰神淨域遂不復重音容再諸法味
雖摩義蹟蘊而莫宣良由宿障根深致違心契已誨於前須補于後近於
此州禪衆舊居雖仰為設會并就天台指畫之地則造寺塔而於彼山頭
陀之處未獲重修今冀覽別書囑寄佛法不思議事感歎銘旛無已之誠
今遣往於佛隴峯頂集衆結齋願承三寶之力速達西方智者證知淨土
記薊生生世世長爲大師弟子未得佛前早相度脫不棄緣感弘到菩提
并乞衆力爲弟子懺悔自從無明住地以來至于今日恒沙惑障煩惱迷

腎五蓋十纏輪迴界內八萬四千塵勞增長願憑積慶及茲功德衆罪霜
露慧日消除衆善普會法雨洋溢神通道力照藹皇家寶祚靈長羣被德
光開皇十八年正月二十九日 王平山衆大六十七 正月二十九日
總持和南白諸行無常是生滅法諸佛及緣覺尚捨無常身大師智者移
應遣神表摧抽惱不能自勝念當懃懃速懃難忍永矣奈何當復奈何侍
者灌頂普明二人貴送別書觀心論淨名疏犀角如意蓮華香爐并智越
法師一衆啓見對增嘆德音若存即達條流移神靈速祥瑞炳著自述分
明舍利全身于今安坐非澄聲聞小果定入菩薩大位素聞得法華三昧
方驗不退法輪而親攝陀觀音大勢至以宿命智反照斯土四部弟子宜
不努力自撥寡薄無以申報唯當款依付囑不敢捫忘應建伽藍指畫區
域須達引繩天宮即應至金剛際既有要道當建繕造一遵本意昔宣尼
去汝弟子守墓三年子貢之徒乃至六載況乎方置精舍永樹福基彼現
前僧慎勿振散但使謀道何患無食期取未生西方非速必若懈退寶池
極遙今遣使人於佛隴峯頂虔誠懺禮修福建齋具如願文略伸鄙意二
僧今返指此慰書楊廣白十一月五日 天台山衆謝啓 天台沙門智
越一衆啓司馬王弘至僧使灌頂普明還奉正月二十九日教賜垂慰問

并宣口教優防敢勤謹對龕門焚香跪讀言理哀切痛絕魂心遺囑累從
 亡存戴荷師在之日常有海云今得寸基為王創造非爾小僧所辨別有
 大力勢人後當成就恨吾不見寺成爾時莫測所由今當蒙繕造方醒前
 記冥相符合不可思議經藏法寶出世舟航諸佛所師眾生津導永鎮佛
 關依止受持鍾幡香等施安供養法鼓警悟利益人千僧法會功德圓滿
 伏審幽靈慈悲遠鑑謹於齊日披讀願文法席休心求入願海蒙齋齋糧
 恩給田地基業無盡施命無窮有待多煩隆恩難答教旨註是現前僧不
 令張散伏惟弘護事重精舍將圓同學門人方憑依止龕室儼然何心違
 離況垂嚴教益懼丹誠謹當克厲倍加心力但一眾失廢求遠慈願追慶
 夙緣還蒙覆護欣慰悲交至臨啓涕零謹啓開皇十八年二月十五日 王
 達使入天台設周忌書六十八歲序推移日月如逝智者遷化已將一
 周追深悲痛情不能已念哀慕感慟何堪自居今建典籤吳景賢往彼設
 齋奉為亡日追福遙知一二揚廣和南開皇十八年 山眾謝啓六十八
 天台沙門智越一眾啓典籤吳景賢至奉教為先師亡日設齋僧眾五
 百一時雲集冥途踰隔感應道通越等不能灰滅及諱晨追慕慈顏悲哽
 稽首教淚衝餐不勝荷戴謹啓謝聞謹啓 眾賀啓六十九 天台寺故

智者弟子沙門智越一衆啓伏惟殿下睿德自天恭膺儲副生民慶賴萬國歡寧凡在道俗莫不舞抃况復越等早蒙覆護曲奉慈惠不任悅豫之誠謹遣僧使灌頂智瑒等奉啓以聞謹啓 衆謝造寺成啓 仁壽元年十月三日六十八 天台寺故智者弟子沙門智越一衆啓伏聞龍樹遺化天竺爲立伽藍寶誌云亡梁國威修開善良由菩薩本誓互相顯發凡是聲聞但知稱讚伏惟亡以和尚具難思之德作天人之師安禪涅槃示希有事披按經律千載一間妙德昭彰興於聖世伏惟尊師重道爰塔伽藍建立之所甚得山相先師嘗言其地必待良緣追尋此記攝舍今日即寺居五峯之內夾兩湖之流堂殿華敞房宇嚴秘方之淨土用集神仙成就已來先師恒岳影迹聖境雖遙有感恩應既興塔廟故現靈奇爰示諸諸咸同攝受越等庸薄謬謬齒門後仰慙揀宇俯勵心力常於寺內別修齋懺恒專禪禮庶藉熏修奉酬聖澤不任喜荷謹遣使灌頂智瑒奉啓謝聞謹啓 僧使對皇太子問答六十九 仁壽元年十一月初三日右庶子張衡宣令僧使灌頂智瑒進內齋舍首自問先師亡後有何靈異對云先師以開皇十七年十一月二十四日結跏趺坐遶神入滅到十八年四月十六日衆於初夜各就繩牀方欲攝念僧名道脩見先師服本衣裳手提

竹杖從西戶入倚望少時從同心淨域勝土莊嚴幸僧衆無虧熏鍊不輟
冥刀深扶人功多愧令遠員外散騎侍郎兼通事舍人張乾威送僧使潯
頂等還山於寺設會稽首接足十方三世一切三寶無量幽顯現前大衆
以此功德仰資先師智者早證正覺具如臨終證現已土安養頃來留瑞
久現彌陀踵武觀音丈衛大勢迴時來親不捨安婆轉時南閭彌憐震旦
滄溟巨海尚不護於消流驚華峻極安苟排於微瑣敢陳薄供願垂攝受
當使無邊法身盡空甘露無量化影咸遊醍醐涅槃聚之不可窮數若味
之而不竭盡我念刀還我師道銷我煩惱滿我誓願現在未來長慧提拔
家國眷屬俱入大乘密往潛來恒垂影響塵勞障累銷除隱塞究竟等虛
空圓滿如法界斯則大師勝力諸佛荷擔弟子街慈出如來藏無離文字
以求解脫文字之性即解脫也不著世間如蓮華常善入於空寂行達諸
法相無生礙稽首如空無所依 皇太子於天台設齋願文七十一 菩
薩戒弟子皇太子總持稽首和南十方三世法佛報佛應佛法身應身化
身諸佛所師所謂法也以法常故諸佛亦常佛常法常比丘僧常世間皆
空而實不空諸佛妙有而實不有而不空而空至寂恬然始名至
樂凡情弊執皆生極苦迷之者則生盲暗首得之者則周像玄珠弟子幸